

Dia 1 di juni awor
**MONEDA ANTIYANO LO PERDE
SU CARACTER DI MEDIO DI PAGO
LEGAL NA ARUBA**

ORANJESTAD (APA) Pa por facilita introduccion di medio di pago legal nobo na comienso di Status Aparte, a wordu dicidi pa sigi mantene moneda Antiyano den circulacion na Aruba como medio di pago legal, te cu proximo aviso.

Actualmente Banco Central di Aruba tin suficiente moneda Arubano pa por discontinua uso di moneda Antiyano. Dentro di poco un decreto gubernamental lo wordu publica, anunciando cu e moneda Antiyano lo perde su caracter di medio di pago legal desde promé di juni 1989.

Personanan cu tin den nan poder moneda Antiyano lo tin e oportunidad pa cambia esakinan na banco nan local pa moneda Arubano of placa di papel Arubano. E moneda Antiyano tambe por wordu cambia na Banco Central Arubano na Havenstraat 2, Oranjestad. E cambio lo tuma lugar na e siguiente manera: un (1) florin Antiyano lo wordu cambia pa un (1) florin Arubano.

Dia 1 di juni awor, e obligacion pa acepta moneda Antiyano na Aruba lo termina. Pa mas informacion por tuma contacto cu Banco Central di Aruba.